



# EQQAANERMUT MALERUAQQUSAQ 3

Sisimiuni, Sarfannguani Itillimilu igitassanik  
eqqaanermut maleruaqqusaq



Regulativ for dagrenovation i  
Sisimiut, Sarfannguit og Itilleq  
1996

AFFAALDSREGULATIV 3



# Sisimiuni, Sarfannguani Itillimilu igitassanik eqqaanermut maleruaqqusaq

## 1. Inatsit tunngavigisaq

Igitassanik eqqaasarneq pillugu Namminersornerullutik Oqartussat nalunaarutaat nr. 28 17. september 1993-imeersoq naapertorlugu maleruaqqusaq manna sullarineqarpoq.

## 2. Atuuffii

Maleruaqqusaq manna Sisimiut illoqarfianut, Sarfannguanut Itillimullu atuuppoq.

## 3. Maleruaqqusami kikkut pineqarpat?

Maleruaqqusami matumani pineqarput illuutit tamarmiusut, tassalu: Inuit najugaat, sulliviit, talittarfeqarfiiit kiffartuussiviillu il.il.

## 4. Igitassanik eqqaaneq sunaava?

### 4.1 Igitassat (illuniit igitassat) tassaapput illuinnarniit igitassat, piniakkat nammineq nerisassatut igitassartaat assigisaalluunniit sullivinniit eqqakkat, soorlu kiffartuussivinniit, talittarfeqarfinniit, kantiinaniit neriniartarfinniit assigisaallu ilanngullugit.

Igitassat soorlu makkuupput, nerisat sinnikui, poortuutissat, sanngit, arsat nillorinik igaffimmiillu igitassat, nangit pappialat assigisaallu.

### 4.2 Suliffissuarniit, sannavinniit sullivinniillu taamaaqataaniit igitassat kommunep igitassanik eqqaanermut aqqissuussineranut ilaangillat.

### 4.3 Igitassanut puussiarassat atorneqarnerini makku maleruarneqassapput: Igitat qaasersut kiisalu paat arsalu imermik qerlaarnaveerlugit poortorneqassapput. Suut inngigissut imaluunniit ipittut poortoqqissaarneqartassapput aaneqarnerini assartornerinilu eqqaavilerisumut ajoqusiisinnaajunnaarlugit imaluunniit puussiamik putusisinnaveerlugit.

Igitassanut puussianut ikineqassangillat batteriit allallu igitassat mianernartut, issut, ujaqqat, ujaraaqqat, imarmiunit igitassat, nersutaatinut igitassat, illut ilu-arsarnerini pillakut, aamat, arsakut kissartut, kuuffiit mingukui imaluunniit imerpalasut igitat suugaluartulluunniit.

## 5. Igitassanik eqqaasarnerup Ingerlanneqarnera

### 5.1 Igitassanut puussiaasat Sisimiut Kommuneata aguaattagai imaluunniit atugassatut akuerisal kisimik katersuiffiussapput. Illuutillit/igitassaateqartartut eqqaavinnik puussiarतालertakkanik igitassanut atuisinnaangitsut Teknikimut avatangiisimullu ingerlatsivik akuersisillugu containerinik matulluarsinnaasunik matullinnik atuisinnaapput.

Containeri taamatut atugassatut akuerisaasimassaaq, illullillu/igitassaateqartartut nammineq pissarsiarissavaa aserfallattaaiillugulu.

Illuutillit / igitassaateqartartut igitassanut containerinik atuisut pisussaapput nam-

- mineq iliuseqarnermikkut taakku imaartikkiartortassallugit eqqakkanut sulia-rinnittarfinnut tigooraavissianulluunniit, kommunemit innersuussanut.
- 5.2** Illuutillit, sulliviit, talittarfeqarfiit kiffartuussiviillu pisussaapput nammineq akilik-kaminnik aserfallatsaalisassaminnillu pisariaqartitsinermittut amerlassusilinnik puussiartalertakkanik eqqaaveqassallutik imaluunniit containereqassallutik.
- 5.3** Eqqaaviit puussiartalertakkat imaluunniit containerit Sisimiut Kommuneani Tek-nikimut avatangiisinullu ingerlatsivimmit akuerisaasut kisimik atugaassapput.
- 5.4** Eqqaaviit saviminernik qassutaasaliussapput imaluunniit qisummik aana-veersakkamik sanaajussallutik matulluarsinnaasumik matoqarlutik. Eqqaaviit qanoq ninngutigineri Kommunep Teknikimut avatangiisinullu inger-latsiviata aalajangiiffigisassavai.
- 5.5** Eqqaaviit puussiartalertakkat inissinneqartassapput eqqaasumut tikikkumi-nartumut aammalu illunut qanittumut. Eqqaaviit puussiartalertakkat inissineqassanngillat assartornerini manisivin-nut assigisaannullu akornutaasinnaanngorlugit, taamaattori tamakkunaniikkunik pukinnerpaamik 2,4 meterimik silaannartaqassapput. Eqqaaviit puussiartalertakkat igalaat ataanniissanngillat. Eqqaaviit puussiartalertakkat inissineqassapput puussiartaata naqqa qanga-tasunngorlugu.
- 5.6** Illuutillik/igitassaateqartartoq pisussaavoq eqqaaviup puussiartalertakkap eqqaa kusanartuutillugulu saligaatsuutissallugu, tungaannut aqputaa nivattassallugu siorartertassallugulu kiisalu eqqaaviup aammaruminartuunissaa imaaruminar-tuunissaalu isumagissallugu.
- 5.7** Illuutini tamani nalinginnaasumik pigineqassapput: Ikinnerpaamik eqqaavivik puussiartalertagaq ataaseq inissiamut ataatsimut naatsorsuussaq, kiisalu pisini-arfiit assigisaallu pisariaqartitsineq naapertorlugu kommunalbestyrelsi-p aala-jangigaanik amerlassusilinnik.
- 5.8** Illuutillip/igitassaateqartup isumagissavaa naammattunik amerlassusilinnik eq-qaavinnik puussiartalertakkanik peqarnissi, taakkunungalu naapertuuttumik imaartagassatut nalunaarutigissallugit, imaarsiartornerit tullerinnerini puussiat ulikkaarpallaartaqqunagit. Sulliviit kiffartuussiviillu kantiinallit igitassaateqarnertik naapertorlugu qasseri-arlutik eqqaavitik imaartittassanersut nalunaarutigissavaat.
- 5.9** Puussiartassat immerneqassapput immernissaannut killissatut titagaq naqis-simasoq tikiinnarlugu, aamma eqqaavik biilit eqqaavilerissutit unittarfaniit 50 meterinut ungasinnerussanngilaq. Illu aqqusinnermit nalinginnaasumit ungasiar-nerusimappat tungaannut aqputaa minnerpaamik 3 meteritut silitsigissaaq aam-ma 3,8 meteritut portutigisumik silaannartaqassalluuni, kiisalu biilit eqqaavile-rissutit kaajallaffissaqassallutik. Taamaaliortoqarsinnaatinnagu illullip/igita-saateqartartup puussiat imallit nammineerluni aqqusernup qaninnerpaap eqqaa-nut assartortassavai.
- 5.10** Puussiat sapaatip akunneranut ataasiarlugit marloriarlugilluunniit imaartagas-

satut nalunaarutigineqassapput. Puussiat sapaatit akunneri tamaasa aaneqartassapput, sapinggisamik sapaatip akunnerata ulluani taannaasumi. Sapaatip akunneranut marlorialuni imaartagassatut aaneqartassapput ullut 2-3 allortarlugit.

Eqqaavilerisoq aallernini tamaasa puussiartassamik nutaamik ilisisassaaq.

- 5.11 Eqqaaviit imaluunniit containerit eqqaaviit qassiunissaannik nalornisoqartillugu Teknikimut Avatangiisinullu ataatsimiititaliaq aalajangiissaaq.

## 6. Nakkutillilineq

Sisimiut Kommuneani Teknikimut avatangiisinullu ingerlatsivik qaqugukkulluunniit eqqaavinnik containerinillu eqqaavinnik taakkulu inissisimaffiinik takuniaasus-saavoq.

## 7. Akilluteqartarneq

- 7.1 Eqqaassussinermut akiliutissap angissusissaa Kommunalbestyrelsip ukiut tamaasa aalangertassavaa. Eqqaassussinermi akiliutit allannguutaat Sisimiut Kommuneani Teknikimut avatangiisinullu ingerlatsiviup illoqarfimmi aviisitigut nalunaarutigisassavai.

Akiliutissat annertussusii akit allattorsimaffianiissaput Teknikimut avatangiisinullu ingerlatsivimmiit pineqarsinnaasuni.

- 7.2 Eqqaassunneqarnermut akiliut, eqqaanermut peqataaniarluni nalunaarsimasup, akilertassavaa.

- 7.3 Atuisup illu najukkani qimakkuniuk eqqaaneq unitsinneqassasoq nalunaarutigisavaa, aammalu allamut nutaamut nuukkuni eqqaanermut peqataaniarluni nalunaaruteqarluni.

Nuunnermik Teknikimut avatangiisinullu ingerlatsivik ilisimatinneqartinnagu eqqaanermut akiligassaq atuisartutoqqap akilersortuassavaa, allap nalunaaruteqarnissaata tungaanut imaluunniit ingerlatsiviup eqqaassussinermik unitsitsinissaata tungaanut.

- 7.4 Qaammatit pingasukkaartumik akiliisoqartassaaq.

Piffissap akilluteqarfissap ingerlanerani akit allanngorsimappata, aammalumi nutaanik ilannguttoqarsimappat kiisalu peqataajunnaartoqarsimappat, piffissamut atuiffiusumut akiliutissaq aaqjineqartassaaq.

## 8. Unioqqutitsineq

Maleruaqqusamik unioqqutitsineq akiliisitsinermik pineqaatissiissutaasinnaavoq, igitassanik eqqaaneq pillugu Namminersornerullutik Oqartussat nalunaa-rutaat nr. 28 17. september 1993-imeersumi § 25 naapertorlugu.

## 9. Naammagittaalliorsinnaaneq


Eqqaavilerineq pillugu naammagittaalliteqassagaanni saaffigisassavaoq Sisimiut Kommunea, Teknikimut avatangiisinullu ingerlatsivik, Box 1014, 3911 Sisimiut.

**10. Atortuulernerá**

- 10.1** Maleruaqqusaq atortuulerpoq kommunalbestyrelsimi akuersissutigineqarnerminit qaammatsiutit ulluisa 30-t qaangiunneranni.
- 10.2** Taamaalillugu Sisimiut Kommuneani kommunalbestyrelsip akuersissutigaa, ulloq 06.02.1996.



*Hermann Berthelsen*  
fung. borgmester



*Niels Rask Andersen*  
kommunaldirektør